

Informe de resultados

de la Consulta previa, libre, informada y culturalmente adecuada a **personas, pueblos y comunidades indígenas** del estado de Tlaxcala, en materia de participación y representación política, y acreditación del vínculo comunitario en la postulación de candidaturas indígenas para la implementación de acciones afirmativas en el marco del próximo **Proceso Electoral Local Ordinario 2026-2027**.



Tlanawatilis ik tlen okis itech

in Tlahtlanilistli achto, amitla tlatsakwal, tlanawatilistli wan kenin ni yelistli pampa in **chanehke, altepeme**h wan **nechikol chanehke** masewalme ik Tlaxilaltlalpan **Tlaxcallan**, pampa mo tlahtoltenkixtiske wan ixpantlalilistli, wan neltokilis kox melawak masewal pampa kwalli se kin ixpantlalis in masewalme pampa mochiwas in kwalli chiwalistli itech in **Chiwalistli Pehpenalistli Senkan itech in Tlaxilaltlalpan 2026-2027** san niman wits.

Versión ciudadana
Pampa in chanehke



TOKA-MACHOTIL

Nechikol Tekiwanme Tlamalwia kampa amaka mopapanawis :

Licda. Janet Cervantes Ahuatzi

Wey Tekiwa Tlayekanki Pehpenalis

Mtra. Yedith Martínez Pinillo

Tekiwa Tlayekanki Pehpenalis, Palewilis

Dra. Anakaren Monserrat Rojas Cuautle

Tekiwa Tlayekanki Pehpenalis, Palewilis

Licda. Lorena López Tlapalcoyoa

Encargada provisional de la Coordinación de Género
y No Discriminación, Secretaría Técnica de la
CIGyND.

Órgano ejecutivo responsable:

Licda. Nancy García Ramírez

Directora de Organización Electoral Capacitación
y Educación Cívica.

Lic. Antonio Javier Dávila Vieyra

Encargado de despacho de la plaza de Coordinación
para el Fortalecimiento de Sistemas Normativos
Pluriculturales.



Tlen kipia

Tlahtolsentilistli wan ihkuilolkotok 7

1. TEITITILIS..... 9

2.1. Kawil tlanawatilis 10

Kihtoah kenin mochiwas 10

Sepa yokipiaya nochi in tlanawatilis, in altepeme oki tekitiltihke nin tlamachilis, kampa okihtohke wan okihtohke kenin okachi kwalli mochiwas in tlahtlanilistli, nihki ipan in nawi mestli.10

2.3. Kawil tlahtlanilistli. 11

2.4. Kawil pampa se kitas tlen tlanankilis okis.12

Sepayotlankein Tlahtoloyanmetlahtlanilistli, in ITE opekitatlen otlanakilihke in chanehke pampa kixmatische tlen okachi kinekih mamochiwa, tlen tekitl okachi kwalli mochiwas wan tlen okachi kin tekipachoa.12

2.4.1. Se tlamantli: Otlapalewihke nos amo in kwalli chiwalistli (acciones afirmativas) itech in Chiwalistli Pehpenalistli Senkan itech in Tlaxilaltlalpan 2023-202412

2.4.2. Ome tlamantli: Tlapehpenaske wan kin pehpenaske pampa yeske tekiwanmeh in chanehke, altepeme wan nechikol chanehke masewalmeh itech in pehpenalistli..... 13

2.4.3. Yei tlamantli: Ma teititikan se amatl in chanehke pampa se kitas kox melawak masewalme tla kinekiske yeske tekiwanme pampa kin ixpantlaliske in masewalme..... 14

3. TLEN OKIS IK ININ TLAHTLANILISTLI16

4. AMOCHTLI IXKOPINAL17



Tlahtolsentlistli wan ihkuilolkotok

Kwalli Chiwalistli	Mochiwa san ipan se kawil pampa kwalli momalwiske nin nawatlistli in chanehke pampa amo kin papanawiske, ikanon motemoa sekin palewis.
Nechikol chanehke Altepētl	Yen in nechikol tekiwanme ik se altépētl masewal kampa kitah tlen kwalli mochiwas itech in altépētl, kenin mo tlakatokaske, mo mamasaske, itla ilwitlan wan okseki tlamantli.
Tekiwanme masewalme, kin tlaliah in altépeme	Tlen mo tlahtolnamikih yenon mochiwas, in Tlaxilaltlapan wan okseki chanehke amo kin papanawiske. In tekiwanme kin pehpēna in chanehke masewalme wan afromexikame ik ompa chantih itech non altépētl, amo moneki senkan mo tlahtolnamikiske ikan in tekiwanmeh ik in altépētl tlayekanki o okse tekiwa.
CIGyND	Nechikol tekiwanmeh kampa kichiwa in tekittl pampa amo mo papanawiske in chanehke ik Tekichiwaloyan Tlaxcalteca ik Pehpenalistli.
Nechikol chanehke masewalme	Yen in chanehke kampa monechekoa pampa chiwaske se altépētl masewal wan kalchiwaske se nechikol chanehke, tlalolin (Política), tomin wan nin yelistli, mo sentlaliah itech seki tlalme wan kixmati nin tekiwanme ik yejuan kin pehpēna ikan nin nawatlistli.
Nechikol tekiwanme tlayekana	Nechikol Tekiwanme Tlayekinki ik Tekichiwaloyan Tlaxcalteca ik Pehpenalistli.
Tlahtlanilistli	Tlahtlanilistli achto, amitla tlatsakwal, tlanawatlistli wan kenin ni yelistli pampa in chanehke, altepeme wan nechikol chanehke masewalme ik tlaxilaltlapan Tlaxcallan, pampa mo tlahtoltenkixtiske wan ixpantlalilistli, wan neltokilis kox melawak masewal pampa kwalli se kin ixpantlalis in masewalme pampa mochiwas in kwalli chiwalistli itech in Chiwalistli Pehpenalistli Senkan itech in Tlaxilaltlapan 2026-2027 san niman wits.
Tlahtlanilistli masewal	Se nawatlistli ik in altepeme wan nechikol chanehke masewalme, ika se tekittl kampa monechekoah pampa motenkixtia kampa kihtoa tlen kwalli motlahtolsentlalis itech in amochtli nawatlistli, pampa amo kin papanawiske, motemoa se tlahtolnamikilis kampa tech makaske nin welitsin ik in altepeme.
Nawatlistli pampa motenkixtiske in altepeme masewalme	In altepeme masewalme kipiah nin nawatlistli pampa motlahtol tenkixtiske, ika in tekiwanme ik achto okin pehpenke kenin yejuan kimati, pampa kihtos tlen kwalli ka nos amo pampa tlen mo ihkwilol sentlalis moyek namikis ika ni mamasaske, kenin mo tlakatoka wan mo pehpēna inonke altepeme.



Tlahtol Masewal

Inonke tlahtolme yo katkah achto ik oyeskia in Tlalnantsin México, ihkon ke okseki altepeme yo katkah wan opanoke itech into tlali, moixmatih nik kwalli mo tlapuia ika nin tlahtol nantsin.

Kenin mo mamanah wan motlakatoka in altepeme

In nechikol tlahtol wan tlahkwilol ik kenin mo tlakatokah, kenman kichiwaske itla, nin tekiwanme, nin tlahtol namikilis wan tlen mokawah kichiwaske in altepeme pampa mo mamasaske, kenin oliniske in tomin, mo pehpenaske.

Kenin kimatih wan ken senkan mochiwa

Tlen sentlaliah in altepeme masewalme yenon mochiwa wan tlachiah tlahtek ik nin altepeme wan yenon kisa ik nin nawatilistli ika senkan mo tlakatokah.

1. TEITITILIS

In chanehke, altepeme wan nechikol chanehke masewalme kipia nin nawatilitli pampa kitenkixtiske ni asikamatilis tla se tekiwa kihtoia itla mochiwas o sentlalia se tlahkwilol. Yenonik pampa in pehpenalistli 2023-2024, in Tekichiwaloyan Tlaxcalteca ik Pehpenalistli (ITE) okichi se tlahtlanilistli pampa kwalli omo tenkixtiskia in masewalme ik kenin kitah okachi kwalli mo ixpantlaliske tla kinekih yeske tekiwanme wan kenin kin ixpantlaliske.

Ika in tlanawatilis okinecheko in ITE, ok sentlali seki kwalli chiwalistli pampa chikawaske nin ixpantlalilis in chanehke masewalme itech non chiwalistli pehpenalistli.

Pampa in pehpenalistli 2026-2027, in ITE nihki okichi se tlahtlanilistli pampa nihki chikawaske nin ixpantlalilistli in masewalme itech in nawi mestli wan makwil mestli ik 2026.

Pampa monextis in tlahtlanilistli, in ITE okitemakak in amame itech in tekichiwaloyanme ik napa cempoal wan ome altepeme wan in yexpa cempoal altepeme nantsin.

Omo tlahtlanihke yei tlamantli:

- Kenin okitake in kwalli chiwalistli ik yopanok in chiwalistli pehpenalistli pampa nin ixpantlalilis in chanehke masewalme.
- Nin tenkixtilis wan ixpantlalilis pehpenalis ik ninke chanehke.
- Kenin nextiske kox kipiah se tlatoktilis in chanehke ika in altépetl pampa kwalli moixpantlaliske que masewalme pampa yeske tekiwanme.

In tlahtlanilistli omochi ika in palewilis ik okseki tekichiwaloyanme:

- Tekichiwaloyan ik Tlapalewilis pampa kwalli tieske itech in Tlaxcallan
- Tekichiwaloyan Mexikayotl ik in Altepeme Masewalme
- Tekiwanme kampa kimalwiah nin nawatilitli in chanehke itech into Tlaxilaltlalpan Tlaxcallan

Inin amochtli se tlanawatilis ik tlen tekitl omochi.



2.1. Kawil tlanawatilis

Itech in nawi mestli ik 2026 omochi in kawil tlanawatilis pampa nextiske nochi tlen moneki ki matiske in altepeme ik in tlahtlanilistli, ika seki tlahtoloyan kampa monechekoske in altepeme.

Ihkwilolnawatil 1. Tlahtololme nawatilitli omochihke pampa in tlahtlanilistli pampa in chanehke, altepeme wan nechikol chanehke masewalme.

Altepetl tlayekanki	Tonal machiotl	Chanehke ika miek tlamachilis ok temamak in tlanawatilis	Tekiwa tlayekanki Kwika in tekitl	Keski masewalme oyahke	Chanehke kixpantlalia in tlalololime pampa tlaixpiaske
San Pablo del Monte	11 ik nawi mestli ik 2026	Lic. Cristina Solano Díaz. Directora General de Igualdad Sustantiva y No Discriminación de la SCJN.	Tekiwa tlayekanki Anakaren Monserrat Rojas Cuautle	43	Tlalololin Verde Ecologista ik México. Tlalololin Alianza Ciudadana.
San Francisco Tetlanohcan	12 ik nawi mestli ik 2026	Mtra. Beatriz Teresa Casas Arellanes. Directora General de Casas de los Saberes Jurídicos de la SCJN.	Tekiwa tlayekanki Brenda Fernanda Barrón Rugerio	97	Tlalololin Alianza Ciudadana. Tlalololin Verde Ecologista ik México. Tlalololin Acción Nacional. Tlalololin Movimiento Ciudadano.
Huamantla	18 ik nawi mestli ik 2026	Lic. Mijane Jiménez Salinas. Directora de Colaboración con el CJF y el TEPJF de la SCJN.	Tekiwa tlayekanki Yedith Martínez Pinillo	84	0
Calpulalpan	19 ik nawi mestli ik 2026	Mtra. Norma González Jiménez. Titular de la Fiscalía Especializada en Investigación de Delitos cometidos por Personas Indígenas y Afroamericanas y en Investigaciones de Delitos Sociales y Políticos del Pasado de la FGR.	Tekiwa tlayekanki Janet Cervantes Ahuatzi	17	0
Chiautempan	25 ik nawi mestli ik 2026	Mtra. Camelia Gaspar Martínez. Directora General de Asuntos Jurídicos de la SCJN.	Tekiwa tlayekanki Janet Cervantes Ahuatzi	31	Tlalololin Alianza Ciudadana. Tlalololin Acción Nacional.
Contla de Juan Cuamatzi	26 ik nawi mestli ik 2026	Lic. Gabriela Pérez Gómez. Directora de Vinculación con la Sociedad en la Dirección General de Casas de los Saberes Jurídicos de la SCJN.	Tekiwa tlayekanki Brenda Fernanda Barrón Rugerio	31	Tlalololin ik Trabajo.

Kan okis nin tlahkwilol: Se okichi

Kihtoah kenin mochiwas

Sepa yokipiaya nochi in tlanawatilis, in altepeme oki tekitiltihke nin tlamachilis, kampa okihtohe wan okihtohe kenin okachi kwalli mochiwas in tlahtlanilistli, nihki ipan in nawi mestli.



2.3. Kawil tlahtlanilistli.

In kawil tlahtlanilistli omochi itech in makwil mestli ika chikwasen tlahtoloyan kampa oyeke tekiwanme masewalme, tekiwanme kampa kin pehpenah in masewalme, ihkon kenin chanehke ik in altepeme masewalme ik in Tlaxilaltlalpan.

Itech nonke tlahtoloyan omo chihke seki tekitl-akopecthli pampa se motlapuis, tenkixtiske nin asikamatilis pampa niman tlanankiliske se amochtli. In oficialía electoral ik ITE oksentlali kenin omochi inin tekitl.

Nihki, akin tekitih itech in ITE okin palewi in chanehke ik nochi in kawil, okin ilihke pampa tlen mochiwa in tlahtlanilistli, in nawatilis pampa yek tlanankiliske pampa amaka mopapanawis, okin ilihke kenin temitiske in amochtli tlahtlanilistli.

Kenman yo tlayekohke in tlanankilis, se soatl o tlakatl okixtotokak in tlahkwilol pampa nochtin kakiske tlen otlasnankilihke wan miman okitlalihke in matlahkwilol.

Ihkwilolnawatil 2. Tlahtololme tlahtlanilistli omochihke pampa in tlahtlanilistli pampa in chanehke, altepeme wan nechikol chanehke masewalme.

Altepetl Tlayekanki	machiotl	Tekiwa tlayekanki Kwika in tekitl	Keski masewalme oyahke	Keski amochtli tlahtlanilis otlanankilihke	Chanehke kixpantlalia in tlalololime pampa tlaixpiaske
Contla de Juan Cuamatzi	02 ik makwil mestli ik 2026	Tekiwa tlayekanki Anakaren Monserrat Rojas Cauatle	15	2	Tlalololin Acción Nacional.
San Francisco Tetlanohcan	03 ik makwil mestli ik 2026	Tekiwa tlayekanki Brenda Fernanda Barrón Rugerio	55	8	Tlalololin Alianza Ciudadana.
Huamantla	09 ik makwil mestli ik 2026	Tekiwa tlayekanki Brenda Fernanda Barrón Rugerio	27	4	0
Calpulalpan	16 ik makwil mestli ik 2026	Tekiwa tlayekanki Janet Cervantes Ahuatzi	16	2	Tlalololin ik in Revolución Democrática ik Tlaxcala.
Chiautempan	17 ik makwil mestli ik 2026	Tekiwa tlayekanki Emmanuel Ávila González	20	3	Tlalololin ik in Revolución Democrática ik Tlaxcala.
San Pablo del Monte	24 ik makwil mestli ik 2026	Tekiwa tlayekanki Hermenegildo Neria Carreño	21	3	0

Kan okis nin tlahkwilol: Se okichi

2.4. Kawil pampa se kitas tlen tlanankilis okis.

Sepa yo tlanke in Tlahtoloyanme tlahtlanilistli, in ITE ope kita tlen otlanakilihke in chanehke pampa kixmatische tlen okachi kinekih mamochiwa, tlen tekittl okachi kwalli mochiwas wan tlen okachi kin tekupachoa.

2.4.1. Se tlamantli: Otlapalewihke nos amo in kwalli chiwalistli (acciones afirmativas) itech in Chiwalistli Pehpenalistli Senkan itech in Tlaxilaltlalpan 2023-2024

Inin tlamantli ik in tlahtlanilistli oyek pampa se kixmatis kox kwalli oyek o nos amo tlen ok ihkwilo sentlali in ITE pampa in chiwalistli pehpenalistli 2023-2024 kampa yeske tekiwanme in chanehke, altepeme wan nechikol chanehke masewalme.

FUENTE: Elaboración propia.

Tlahtlanilis 1. Ik se okichi in kwalli chiwalistli (acciones afirmativas) itech in Chiwalistli Pehpenalistli Senkan itech in Tlaxilaltlalpan 2023-2024, ¿Tik neltoka otlapalewihke pampa kwalli omo ixpantlalihke in chanehke, altepeme wan nechikol chanehke masewalme pampa yeske tekiwanme, itech in tlaxilaltlalpan Tlaxcallan?

In chanehke, altepeme wan nechikol chanehke kel kema okin palewi tlen ok kihkwilo sentlali in ITE pampa kwalli kin pehpenaske ke tekiwanme, ye okpoliwi okachi tekittl wan amo ma kin senkahkawakan in masewalme.

Tlahtlanilis 2. Pampa in namejuan, ¿Kenin nankitah in kwalli chiwalistli (acciones afirmativas) ik omochihke pampa in Chiwalistli Pehpenalistli Senkan itech in Tlaxilaltlalpan 2023-2024, pampa mayetiekan wan amo ma popoliwikan?

In chanehke kihtoa kema mayekan in kwalli chiwalistli (acciones afirmativas), ye moneki mayekan okachi wan pampa akin melawak masewalme.

Tlahtlanilis 3. ¿Nan neltokah kwalli oyeke in kwalli chiwalistli (acciones afirmativas) itech in Chiwalistli Pehpenalistli Senkan itech in Tlaxilaltlalpan 2023-2024 pampa in masewalme, amo san omo ixpantlalihke pampa kin pehpenaske, ye melawak okalake ke tekiwanmeh?

Seki chanehke kihtoa kema okin palewi wan okseki kihtoa amo semi ik in chiwalistli pehpenalistli ik yo panok. Okseki chanehke kihtoa moneki okachi se kinextis in kwalli chiwalistli pampa sekin ixmatis, ma moyeknextikan in chanehke ik mo ixpantlaliah ke masewalme pampa kin pehpenaske wan se kinyekilis kenin kwalli nextiske kipia se tlatoktilis ika in altépetl masewal pampa welitiske mo ixpantlaliske pampa yeske tekiwanme.

2.4.2. Ome tlamantli: Tlapehpenaske wan kin pehpenaske pampa yeske tekiwanmeh in chanehke, altepeme wan nechikol chanehke masewalmeh itech in pehpenalistli.

In tlahtlanilis ik in ome tlamantli ik in Tlahtlanilistli omochihke pampa se kixmatis kenin okachi kwalli mo chiwas in kwalli chiwalistli (acciones afirmativas), ihkon kenin melawak makin yek ixpantlalikan in masewalme.

Tlahtlanilis 4. Itech in nechikol altepeme kampa nan chantih, ¿In chanehke ik omo ixpantlali-hke pampa kin pehpenaske ika in kwalli chiwalistli keme masewalme, kema okin yek ixpantlali-hke in chanehke, altepeme wan nechikol chanehke masewalme kan tlami ni tlalpehpena-listli?

Seki chanehke okihtohke kel in kwalli chiwalistli kema otlapalewihke pampa in masewalme kin ixpantlaliske nin altepeme, okseki okihtohke kel amo semi otlapalewihke.

Nihki sentlaliah kampa okachi mamonexti in kwalli chiwalistli, in tlalololinme (Partidos Políticos) makin machotikan okseki masewalme amo san pintsitsin wan makin nextilikan in altepeme in chanehke ik omo machotihke ke masewalme pampa kin ixmatiske wan taske kox melawak masewalme.

Tlahtlanilis 5. Itech in Altepetl tlayekanki kampa namejuan nan chantih, ¿In chanehke ik omo ixpantlali-hke pampa kin pehpenaske ika in kwalli chiwalistli keme masewalme, kema okin yek ixpantlali-hke in chanehke, altepeme wan nechikol chanehke masewalme kan tlami ni tlalpehpenalistli?

In tlanankilis nextia kel kema okin ixpantlali-hke in masewalme itech in altepetl tlayekanki ik in chiwalistli pehpenalistli 2023 – 2024 ik yopanok, maski; nihki tlahtlani mamochikawa in nextilis ik in kwalli chiwalistli, okachi mamonexti in ixpantlalilis pampa mo pehpenaske ke tekiwanme masewalme pampa makin ixpantlalikan kwalli in chanehke wan altepeme masewalme.

Tlahtlanilis 6. In tekichiwaloyan ik namo altépetl ¿In chanehke ik omo ixpantlali-hke pampa kin pehpenaske ika in kwalli chiwalistli (acción afirmativa) keme masewalme, kema okin yek ixpantlali-hke in chanehke, altepeme wan nechikol chanehke masewalme kan tlami ni tlalpehpenalistli?

In chanehke kihtoa kel akin omo ixpantlali-hke pampa kin pehpenaske ke tekiwanme itech in altepeme kema masewalme o kimachilia amo semi o tlakayahke, maski in chanehke nihki okihtohke sek matis kox kwalli tekith wan kox kichiwh tlen okihtohke kenman omo ixpantlali-hke pampa se kin pehpenas.



2.4.3. Yei tlamantli: Ma teititikan se amatl in chanehke pampa se kitas kox melawak masewalme tla kinekiske yeske tekiwanme pampa kin ixpantlaliske in masewalme.

In tlahtlanilis ik in Yei tlamantli ik in Tlahtlanilistli okitake wan okinechekohke in tenkixtilis ik kenin kinextis akin neki yes tekiwa kipia tlatoktilis ika in altépetl masewal pampa kitske kox melawak masewal wan in amatl tlen nextia kox panoa nos amo pampa telwis masewal.

Tlahtlanilis 9. Kin tokayoti in tekiwame masewaltin, kateh wan tekiti itech ni altépetl wan kwalli toske wan taske tla kema mo ixpantlalis ke tekiwah nik kema masewal wan kwalli yes tekiwa ik chanehke masewalme.

Tlen okis ik in tlanankilis, kihtoa okachikwalli kihtoske yen in chanehke wan in altepeme akin kema masewal wan akin amo, pampa mopehpenaske akin melawak yo tekit achto pampa in chanehke masewalme wan nin altépetl.

Tlahtlanilis 10. Itech in Chiwalistli Pehpenalistli Senkan itech in Tlaxilaltlalpan 2023-2024, seki tlalolohime ok nextihke seki amame kampa okinchihke seki chanehke kampa omo tokayotihke Tlahtoani masewal, ika tlen se yokihto, ¿Kema tik ixmati wan mits ixpantlalia se Tlahtoani masewal kenin mo tekiwa?

In masewalme okihtohke kel amo kipia se wey tekiwa o tlatoani itech nin altepeme masewalme. Nihki okihtohke kel inon tekitl amoka, yenonik awel se kiwis pampa kihtos kox melaw aka kipia se tlatoktilis ika in altépetl masewal pampa mo machotis pamapa kipehpenaske ke tekiwa Masewal.

Tlahtlanilis 11. ¿Nan kitah kwalli nextiste okseki amameh in chanehke kampa neki yeske tekiwanme wan mo ixpantlalia ika in kwalli chiwalistli pampa nextiske kox melawak masewalme wan kipiah se tlatoktilistli ika in altepetl?

In chanehke ik omotenkixtihke kihtoa pampa monextis melawak se kipia in tlatoktilis ika in altépetl masewal tla ke kineki mo machotis ke masewal pampa kipehpenaske ke tekiwa, moneki kinextis okachi amame wan amo san se.

Tlahtlanilis 12. ¿Nankitah kwalli temakaske amame in nechikol altépetl wan in tekiwanme masewalme pampa kinextis akin neki yes tekiwa pampa kineltokaske melawak masewa wan kipia se tlatoktilistli ika in altépetl?

Yenin otlanankilihke, okihtohke kel okachi sekin neltokilia nin tlatoktilis ika in altépetl tla in amame ik nextia kinmakah yen in nechikol masewalme.



Tlahtlanilis 13. Itech in Chiwalistli Pehpenalistli Senkan itech in Tlaxilaltlalpan 2023-2024, miekeh ik in amame okin teititihke in tlalolohme pampa nextiske in tlatoktilistli altépetl ik in chanehke pampa kin pehpenaske kenmeh tekiwanme ika in kwalli chiwalistli, okin kixtihke ika in tekiwanmeh (tekichiwaloyan altépetl wan altépetl tlayekanki). ¿Nan kitah kwalli ninke tekichiwaloyanme mak teititikan melawak kipiah se tlatoktilistli ika in altepemeh masewalme?

In masewalme kihtoa kel kema kwalli nextiske in chanehke ik nekih yeske tekiwanme itla amatl ik okin makak se tekiwa ik ka itech se tekichiwaloyan pampa nextis kipia se tlatoktilis ika in altépetl masewal, ye nihki moneki kin makeske amame in tekiwanme ik kin tlalia in nechikol masewalme kenin yejuan kimatih wan ken senkan kichiwah.

Tlahtlanilis 14. ¿Itla tikneki tiktelwis ik tlen se yomotlapui?

In tlanankilis pampa nin tlahtlanilis, in tenkixtilis kihtoa moneki in tekichiwaloyanme okachi monotsaske nochika in altepeme wan nechikol chanehke masewalme; ni tlahtol maye kenin in chanehke okachi kimatiske tlen kihtoah wan maye se tlakewal mak tlahtolkwepa in tlahtol ika nin tlahtol nantsin.

Nihki okihtohke moneki sekin tlapuis in tlalololinme (Partidos Políticos) kampa makitakan kel in kwalli chiwalistli pampa in chanehke, altepeme wan nechikol chanehke masewalme pampa moixpantlaliske tla tinekih yeske tekiwanme, motemoa amo ma tlakayawakan.

In chanehke kampa nekih yeske tekiwanme masewalme, moneki kitelwiske tlen tekittl kinekih kichiwaske pampa okachi kwalli yeske in chanehke masewalme wan makiyek teititikan kema masewalme pampa amo san tlakayawaske.



3. TLEN OKIS IK ININ TLAHTLANILISTLI

Ika inin tenkixtilis otlamito in tlahltanilistli kampa in chanehke, altepeme wan nechikol chanehke masewalme tlahltlanih makin kawakan ma moixpantlaikan pampa kin pehpenaske pampa yeske tekiwanme, wan melawak mayekan masewalme akin mo machotiah wan makmatikan tlen moneki sek chiwas, itech in altépetl wan kenin mo mamanah wan motlakatokah.

4. AMOCHTLI IXKOPINAL



In ITE wan in Tekiwanmeh kampa kimalwiah nin nawatlistli in chanehke itech into Tlaxilaltlalpan Tlaxcallan, oki ihkwilol sentlalihke se amatl kampa inin tekichiwaloyan tlapalewis itech in Tlahtlanilistli pampa kitas mamochiwa kwalli kampa amo mo papanawis itla nawatlistli.



In CIGyND ik in ITE omo necheko ika in tekiwanme ik in Wey Kaltemachtihki Neneukayotl ik Tlaxcallan pampa kihtoske kenin tekisike pampa kitlahtolkepaske seki amame ika in tlahtolnantsin yuhmu, ninke amame monextiske itech in Tlahtlanilistli.



In ITE wan in Wey Kaltemachtihki Neneukayotl ik Tlaxcallan oki ihkwilol sentlalihke se amatl kampa inin tekichiwaloyan tlapalewis pampa mochiwas seki olin-ixkopinal tlanawatilis ika in tlahtol nantsin yuhmu.



In CGyND omonecheko nochika in tekiwanmeh tlayekankeh ik in Tekichiwaloyan Mexikayotl ik in Altepemeh Masewalmeh pampa kichikawaske in palewistli achto pewis in Tlahtlanilistli ik kichiwas in ITE.



Itech in nechikol tekintl'atloktilistli ik cempoal nawl, ik yei mestli, ika in amatl sentlalilis ITE-CG 14/2026, in Nechikol Tekiwanme Tlayekana oki ihkwilol sentlalihe pampa kema mochiwas in Tlahtlanilistli.



In ITE omonecheko nochika in chanehke ik kin ixpantlalia in Tlalololime (Partidos Políticos) pampa se kin nawatis kenin mochiwas in Tlahtlanilistli wan tlen motemoa sek ahsis nochika in chanehke, altepeme wan nechikol chanehke masewalme.



Tlahtoloyan tlanawatilistli, omochi in kaltenko in in tekichiwaloyan ik in altépetl ik San Isidro Buensuceso, San Pablo del Monte



Tlahtoloyan tlanawatilistli, omochi kanin monechekoa in chanehke ik in Altepetl Tlayekanki San Francisco Tetlanohcan.



Tlahtoloyan tlanawatilistli, omochi kan monechekoah pampa mawiltiske 13 ik Huamantla



Tlahtoloyan tlanawatilistli, omochi kan monechekoah pampa tekiltiske nin nakayo ik Calpulalpan.



Tlahtoloyan tlanawatilistli, omochi kanin mochiwa in ilwitl ik Chiautempan.



Tlahtoloyan tlanawatilistli, omochi kanin ni kaltenko in Tekichiwaloyan ik in Altepētł Tlayekanki Contla de Juan Cuamatzi.



Tlahtoloyan tlahtlanilistli, omochi kanin ni kaltenko in Tekichiwaloyan ik in Altepētł Tlayekanki Contla de Juan Cuamatzi.



Tlahtoloyan tlahtlanilistli, omochi kanin monechekoa in chanehke ik in Altepētł Tlayekanki San Francisco Tetlanohcan.



Tlahtoloyan tlahtlanilistli, omochi kan monechekoah pampa mawiltiske 13 ik Huamantla



Tlahtoloyan tlahtlanilistli, omochi kan monechekoah pampa tekiltiske nin nakayo ik Calpulalpan.



Tlahtoloyan tlahtlanilistli, omochi kanin mochiwa in ilwitl ik Chiautempan.



Tlahtoloyan tlahtlanilistli, omochi in kaltenko in in tekichiwaloyan ik in altépetl ik San Isidro Buensuceso, San Pablo del Monte.

